

七佛所說神呪經卷第二

羊二

失譯師名開元附東晉錄

我文殊師利今欲說神呪拔濟衆生除其婬

欲本有呪名烏蘇吒

此言除婬欲却我慢

句梨句梨帝那

憂拙憂拙帝那

度呼度

呼帝那

究吒究吒帝那

若蜜都若蜜都

帝那

究吒呼究吒呼帝那

憂守憂守帝

那

耶蜜若耶蜜若帝那

度呼吒究吒多

莎呵

誦呪三徧結縷七結繫脚是呪能令諸失心

者還得正念滅婬欲火心得清涼除其我慢

滅結使火三毒垢障悉得消除若諸女人及

善男子精神處在無明重淵下久處於生死

不能得出要迴波生死流沒溺婬欲海莫能

覺之者莫知求出要嗚呼甚可傷若善男子

善女人心得惺悟還厭婬欲應當與此陀羅

尼令其讀誦婬欲之火漸漸消滅婬欲滅已

慢心自滅慢心滅已其心則定其心定已結

使都滅結使滅已心得解脫心解脫已即得

道果是則名為大神呪力誠諦不虛神力如

是斷酒肉五辛七七四十九日諸不淨肉悉

不得食若善男子行者九九八十一日若女

人行者七七四十九日復晝夜六時勤心讀

誦燒黑沉水香白梅檀香散華供養十方諸

佛六時讀誦曾不廢忘日數足已結使即滅

其心泰然無復婬欲

名支波晝 毗尼波晝 烏蘇波晝

我文殊師利菩薩今欲說大神呪消諸精魅

鬼井及妖邪蠱道有呪名漚帝堯囊

此言消衆生病

淨其五藏六府三焦以禪定水洗澤令淨

胡摩若帝畫 胡蘇摩帝畫 烏殊卑梨帝

畫 具殊蜜帝畫 烏舍彌帝畫 耆毗若

帝畫 烏睽彌帝畫 蜜耆都帝畫 具若

烏蘇多帝畫 維深蜜耆帝畫 烏蘇多帝

畫 毗梨帝囊帝畫 莎呵

誦呪七徧縷結作七結繫膝此大神呪能令

行人心得清涼離諸疾病心得解脫慧得解

脫消眾毒藥無眾惱患眾邪妖魅悉皆消滅

如為一人眾多亦然應當讀誦極令通利在

在處處我為閻浮提諸眾生讀誦極令通利

在在處處我為閻浮提諸眾生故結此神呪

治諸蠱魅消眾毒藥當令流布徧閻浮提末

法眾生薄福所置莫不為此眾邪所惱勤教

讀誦普使令知我定自在王菩薩今從妙樂

世界來為此娑婆世界五滓眾生故為除禪

定障拔其無明闇開其慧眼目賜其禪定水

蕩滌心垢障種以菩提芽漸漸鬱茂長開闡

三乘門示其果實相有呪名求稚兜此言名

黑闇罪除
慈眼垢

若蜜帝都 烏殊那帝都 具若帝都 胡

摩樓帝都 烏蘇彌帝都 胡蘇富多帝都

烏耆彌帝都 胡耆那帝都 烏輸求提

帝都 莎呵

誦呪三徧縷五色結作三結繫脚此大神呪

勢分所及徧閻浮提若諸行人欲修禪定或

為天魔眾邪蠱魅之所惱者以魔惱故眾緣

事起外惡知識競來侵嬈以侵嬈故內惡復

起求名利養諂曲嫉妬憍慢貢高來集其心

行人爾時應當自責我為不善為魔所縛慚

愧自責低頭愧恥諸佛及眾賢聖我於往劫

墮大地獄畜生餓鬼迴波六趣數受生死今
 得人身鈍根少智欲修禪定而不能得為諸
 結使之所覆蔽我今寧當破身如塵終不為
 此結使所蔽作是誓已五體投地歸命十方
 現在諸佛多陀阿伽度阿羅呵三藐三佛陀
 赦我憊咎滅除我罪洗我慧眼令得明淨以
 慈悲水蕩滌心垢照明我心內外清徹作是
 悔已復更投地如是三返復起叩頭悔已却
 坐淨身口已誦此神呪二十一徧爾時當三
 稱我名定自在王菩薩悔過憊咎如是三說
 一心禪思於一一時悔過自責隨根利鈍億
 百姦劫重惡之業障道黑闇眾邪蠱魅天魔
 罪垢悉皆消滅無有遺餘我時當與大菩薩
 眾往是人所隨根利鈍示其證相我定自在
 王菩薩所說神呪誠諦不虛神力如是我妙

眼菩薩今從日月燈明王佛國來到此娑婆
 世界為大阿羅漢欲得初禪三明六通今欲
 說神呪令其速成辦除其習結垢并及微薄
 障淨其天眼通宿命智習氣他心智明了未
 來一切事國土之名號及以弟子眾壽命劫
 多少及諸神通事耳根通徹聽百佛世界事
 身通能飛行石山無罣礙以滅度受想行漏
 盡令說竟有神呪名漚闍波置盧 此言眾累
都盡具足

三明及六神
通及八解脫

民若婆呵帝盧 烏蘇吒帝盧 耶密帝盧

烏蘇畫呵帝盧 半二 波支呵呵帝盧 波蘇

呵呵帝盧 究晝呼呼帝盧 烏若密帝盧

究晝呼奴呵呵帝盧 莎呵

誦呪三徧縷三色結作六結繫項此大神呪
 能令行人斷除習氣及障道垢洗澤三明六

通令淨應當諷誦極令通利我功德相嚴菩薩今從阿彌陀佛國來今欲勸助遂成菩薩行教以巧妙方便遂成百福德令速得初住具諸相好故以美妙方便教令行之何等美妙一者其德弘廣普慈眾生二者蔭覆一切如母愛子不見其過三者積德行善不計其勞四者精勤修習捨慧精進轉以化人五者行十善行轉教眾生六者持戒淨潔猶如明珠內外明徹無有瑕塵七者身口意業所出言教以慈悲為本八者所作事業拯濟為先九者常以微妙方便為眾說法顏悅色不違其意十者常遊諸國為大國師荷負眾生包含一切心無疲倦是名菩薩欲登初住始發心時十大妙行如是十行是名百福成一相好我今略說今欲說呪令速成辦有呪名

羊二

五

陀摩盧具低此言成就相好莊嚴功德斷除習結滅障道垢
 阿提阿提陀摩盧 具多具多陀摩盧 支
 富支富陀摩盧 波畫波畫陀摩盧 烏奢
 烏奢陀摩盧 胡蘇彌佉陀摩盧 耆密耆
 密陀摩盧 烏吒烏吒陀摩盧 若彌若彌
 陀摩盧 烏畫烏畫陀摩盧 波守波守帝
 陀摩盧 漚周漚周帝陀摩盧 波瘦波瘦
 帝陀摩盧 余捺比余捺比呵陀摩盧 耆
 毗堯耆毗堯陀摩盧 莎呵
 誦呪五徧縷青綠二色結作三結繫腰是呪
 能令行人莊嚴功德具諸相好必登初住勤
 心讀誦極令通利晝夜諷誦心莫暫捨轉教
 他人我善名稱菩薩今從北方善寂月音王
 佛國來到此娑婆世界佛法欲滅人多造惡
 貪著利養更相是非無有君臣父子之義亦

無師徒弟子之禮五濁鼎沸三毒熾盛皆是
 前世不修德行積習眾惡今得此身雖受人
 身心似畜生羅刹鬼心人身畜心示同人類
 哀哉大苦千載欲末其中或有若一若兩行
 錯眾生墮在下流為當愍此諸眾耳今欲
 說呪以救接之令其奉行還得如初有呪名

雲若蜜境

此言逐之拔諸行人罪垢
根本摩洗拂拭令得鮮白

烏富烏富波羅帝那 殊求殊求波羅帝那

喻若喻若蜜波羅帝那 烏瘦烏瘦都波

羅帝那 支波支波都波羅帝那 烏瘦都

支波那 具若具若都波羅帝那 耶蜜都

究吒究吒都波羅帝那 舒波舒波都波羅

帝那 莎呵

誦呪三徧縷黃白二色結作三結繫項此大
 神呪猶如大蓋蔭覆一切亦如大雨潤澤一

羊二

六

切亦如橋船運度一切三界群萌無不蒙賴
 道俗殊異稟味是一蒼生萬品會歸一空菩
 薩所以示權方適化為於群品度脫之耳今
 說此呪為行人故救濟拯拔令其速得三乘
 聖果勸諸行人勤心讀誦誠諦不虛必當得
 之寶月光明菩薩今欲說神呪除諸禪定罪
 及去諸垢障五陰四大病一切皆除却眾生
 無量劫不得修禪定是故久流轉沒在生死
 海迴波生死流莫能覺之者我愍此等故今
 欲說神呪除其三毒垢拔其愚癡足照以智
 慧鏡賜其禪定水生長菩提芽令到涅槃岸
 有呪名烏耆帝此言除禪定垢却障道
罪諸魔邪鬼悉能滅之

耆摩帝畫 烏帝畫 具若帝畫 奢帝畫
 耶蜜帝畫 烏囊帝畫 具若帝畫 呼
 帝畫 莎呵

誦呪三徧縷黃紫二色結作八結繫痛處是
呪能令諸失心者還得正念億百姦劫所有
重罪悉能摧滅無有遺餘若有衆生欲修禪
定心亂黑闇不見境界煩惱數起睡眠所覆
是人爾時應作是念我爲宿罪陰蓋所覆應
當慚愧懺悔自責然燈續明燒香散華供養
諸佛供養佛已別復供養我寶月光明菩薩
然七枝燈燒沉水香七日七夜減省睡眠晝
夜六時深自剋責說悔先罪多陀阿伽度阿
羅呵三藐三佛陀知人見人明見弟子所犯
罪相及十方佛諸大菩薩釋梵四天王悉皆
證知明見我所犯罪相我今懺悔亦悉證知
願滅我罪令無遺餘於一一時中懺悔已竟
誦此神呪七徧乃止誦七徧已默然而坐一
心禪思如是罪垢漸漸當除其心轉定境界

明了其利根者三日四日乃至七日即得見
我寶月光明菩薩除障滅罪授果與之其鈍
根者二七三七日極鈍根者七七四十九日
有得心定有得果者終不虛過此大神呪其
力如是我北辰菩薩名曰妙見今欲說神呪
擁護諸國土所作甚奇特故名曰妙見處於
閻浮提衆星中最勝神仙中之仙菩薩之大
將光目諸菩薩曠濟諸群生有大神呪名胡
捺波此言擁護國土佐諸國王消灾却敵莫不由之
目低帝屠蘇吒 阿若蜜吒 烏都吒 具
耆吒 波賴帝吒 耶彌若吒 烏都吒
拘羅帝吒 耆摩吒 莎呵
誦呪五徧縷七色結作三結繫痛處此大神
呪乃是過去四十億恒河沙諸佛所說我於
過去從諸佛所得聞說此大神呪力從是以

來經七百劫住閻浮提爲大國師領四天下
衆星中王得最自在四天下中一切國事我
悉當之若諸人王不以正法任用臣下心無
慚愧暴虐濁亂縱諸群臣酷虐百姓我能退
之徵召賢能代其王位若能慚愧改惡修善
若能任善退諸惡人其心弘廣普慈一切容
受拯濟猶如橋船包含民物猶如父母國有
賢能當徵召之敬賢尊聖如視父母王自躬
身臨政斷事不枉民物猶如明鏡若其國王
能修是德改往修來悔先所作慚愧自責鄙
悼憊咎自悔責已當修三德一者恭敬三尊
二者憐愍貧窮國土孤老當撫恤之三者於
怨親中心常平等斷理怨枉不枉民物若能
修行上來諸德我時當率諸大天王諸天帝
釋伺命都尉天曹都尉除死定生滅罪增福

益筭延壽白諸天曹差諸善神一千七百邏
衛國界守護國土除其災患滅其奸惡風雨
順時穀米豐熟疫氣消除無諸強敵人民安
樂稱王之德是王若能兼行讀誦此陀羅尼
譬如轉輪聖王得如意寶珠是珠神氣消伏
災禍我今以此大神呪力上來諸德悉能辦
之消災滅惡亦復如是當知是此大神呪力
如王明珠亦復如是我太白仙人今欲說神
呪我是五通仙本修菩薩行五星中最勝我
於神仙中神通光明勝統領四天下及諸人
天事國土災變異壽命延縮短陰陽及運變
圖書識記等奸偽質直事攘災消奸惡所應
盈縮者悉是我所知我愍諸衆生今欲說神
呪并護其國土有呪名阿那吒盧此言欲護國土

及閻浮提十方衆生故

波吒呼娑盧 閻摩呼娑盧 跋摩堯呼娑
盧 烏耆那呼娑盧 炎彌呼娑盧 烏晝
呼娑盧 具耆呵呼娑盧 胡若堯呼娑盧

莎訶

誦呪三徧縷二色黃白結作二結繫項此大神呪乃是過去三恒河沙諸佛所說我於過去從諸佛所得聞是呪從是以來已經百劫所修功德於神仙中無能及者內祕菩薩大乘戒行外現神仙淨妙法身菩薩六度諸波羅蜜具足修竟外現方便處神仙中雖共和光不同其塵是名菩薩烏和拘舍羅方便處身若閻浮提諸國王等前身薄福處在末法微末善根得爲人王身無福力心闇少智復值五滓鈍濁衆生譬如癡人破車遲牛欲過險道甚難可過我見此已慈心憐愍爲度沒

溺勤苦衆生爲欲携將今得出難并濟其王遲牛之厄故我今日說此神呪若其國王聞此語已心生慚愧自知薄福改往修來發弘廣心慈悲臨覆愍苦衆生忍惡修善不枉民物逮護正法任賢用智賞善退惡與民更始其王若能修是諸德復能讀誦此陀羅尼晝夜專念心不廢忘王心爾時轉當聰辯志性和柔不念諸惡諸天善神漸來親附增其智慧益其神力以天護故轉當精進以精進故我等諸天日月五星二十八宿咸來擁護求願與願遣諸龍王給其雨澤穀米豐熟疫氣消除諸灾消滅善微日生當知悉是大神呪力我熒惑仙人今欲說神呪擁護諸國土拔濟諸群生除其我慢心消滅諸非好厭鎮諸毒藥一切諸非法無不消伏者我是五通仙

消伏諸姦宄一切國土事世間之灾殃兵刃
 及疫氣饑饉豐儉等隣國惡心生大臣欲謀
 反如是諸灾禍我皆悉知之天子衰忌事隱
 沒及覆蓋滅筭及增壽悉是我所知欲得消
 灾者我亦能辦之却敵及姦非我亦能厭之
 除却灾殃變一切皆由我我於五星中聰明
 利智勝捷疾機關辯神通猛利勝於四天下
 中神通捷疾勝我於四天下無能及我者是
 故我今日欲說大神呪名具吒呼盧堯此言擁護
國土濟拔諸王難消伏諸姦非療治衆生病厭禱及毒氣
 呼都帝晝盧 阿支不帝晝盧 閻浮摩帝
 晝盧 不梨帝囊帝晝盧 烏蘇堯帝晝盧
 具帝帝晝盧 耶摩密耆帝晝盧 烏奢
 不梨帝帝晝盧 究守波帝晝盧 莎呵
 誦呪三徧縷一色緋結作七結繫痛處此大

辛二

十一

神呪能令諸國王等及諸國土悉皆安隱消
 灾攘禍莫不由是一切行人及疾病者悉應
 讀誦皆令通利若欲修行此陀羅尼者一者
 斷酒二者斷肉三者斷辛於三七日中香湯
 澡浴著新淨衣若於塔中若空淨處安置佛
 像燒香散華雜衆憤鬧於六時中勤心讀誦
 懺悔十方慚愧自責淨身口已應當讀誦於
 一一時中三七二十一徧誦已默然專心念
 我熒惑仙人五住菩薩我今歸依如是三說
 如是說已默然而坐我於爾時當往其所令
 其所求皆得成辦亦當授與如意寶珠滅結
 使火國土灾殃豐儉疫氣皆悉攘之當知此
 是大神呪力我大梵天王欲說大陀羅尼以
 護衆生有陀羅尼名呼盧鉢都此言治衆生病覆育三界

濟諸貧窮

閻無呼蘇都 伊波都 閻摩呼蘇都 摩
 閻蜜呼蘇都 憂波帝那呼蘇都 莎呵
 誦呪三徧縷二色青綠結作七結繫兩乳此
 大神呪乃是過去諸佛所說我今愍念諸衆
 生故爲令解脫拔濟三界勤苦本故爲欲弘
 廣佛正法故普慈衆生猶如慈父此陀羅尼
 神力盡一日月所照之處四天下中無不蒙
 賴此陀羅尼力能使四海涌沸須彌山崩碎
 如微塵及十寶山四大海水江河淮濟入一
 毛孔四天下中悉能爲之若諸國土疫病劫
 起其王爾時應當精進七日七夜受持八戒
 應當淨心六時行道爲萬民故調伏其心勅
 其境內一切人民以慈悲心勸令行善其王
 爾時於宮殿內然百千燈以救民命請召十
 方諸大菩薩梵釋四天王三自歸依叩頭求

羊二

十二

哀十方諸佛大菩薩衆釋梵四天王諸來大
 士救我民命如是三說如是說已當誦此陀
 羅尼三七二十一徧誦此陀羅尼已王與群
 臣夫人姝女默然而坐禪思一心我大梵天
 王爾時當與梵衆釋衆四大大王諸大龍王
 八部鬼神飲其毒氣悉得消除王於爾時於
 禪思中得見我身大梵天王釋提桓因四天
 大王以見我故倍復精進以精進故其國土
 境舊佳鬼神惱民人者我又當遣四大天王
 驅令出界以我大梵天王慈悲力故其國土
 境悉得安隱我大自在天王今欲說神呪有
 陀羅尼名呵梨樓此言拔衆生
苦濟衆厄難
 阿若娑梨樓 毗梨帝那娑梨樓 遮波晝
 娑梨樓 彌梨帝那娑梨樓 殊訶堯支波
 晝 莎呵

誦呪三徧一色綠縷結作四結繫項是呪乃
 是過去十萬億諸佛所說此陀羅尼威神力
 故四天下中盡一日月所照之處能為光明
 貧窮者能施寶藏盲冥衆生施其慧眼病苦
 之者與法藥療治若諸衆生欲求三乘聖果
 者我能佐助令得成辦若在幽隱受三塗苦
 以此陀羅尼力三塗命終生忉利天若諸行
 人書寫讀誦此陀羅尼者得宿命智憶十四
 生事來今往古如現目前欲修禪定者陰蓋
 所覆者當誦此陀羅尼其心則定睡眠速除
 欲修學問者其心散亂不能專一觸事滯礙
 不得義味當修行此陀羅尼欲得聞持者當
 修行此陀羅尼欲得十方諸佛所說諸大菩
 薩所說諸大天王所說一聞歷耳總持不忘
 即得義理百千義理自然現前持而不忘應

當讀誦此陀羅尼晝夜六時恒不廢忘精勤
 修習助佛道法是人爾時當於夢中即得見
 我大自在天王坐白蓮華臺往是人所其人
 以見我故心大歡喜我時授與如意寶珠以
 珠力故所願自在百千諸佛當隨護助此大
 陀羅尼神力如是我化樂天王欲說大陀羅
 尼名阿那耆富盧此言法忍柔順忍堪任荷負三界
 衆生譬如大海其量難知我天王心亦復如
 是悉能救接漂流衆生出三界海
 那耆富盧 憂多羅富盧 龍若呼娑娑富
 盧 憂裨又富盧 陀摩耆富盧 毗梨帝
 那富盧 憂殊知富盧 莎呵
 誦呪三徧五色縷結作一結繫項此大神呪
 乃是過去百千萬億諸佛所說愍念衆生故
 今欲說之此大神呪勢分所及三天下中惟

鬱單越獨不得聞力所至處其中衆生三種
毒箭自然拔出得音響忍心法意光明入毛孔
中所有鬱蒸三垢重罪自然涌出此諸衆生
命終已後悉得往生忉利天上若諸行人三
垢覆蔽久處生死纏綿難解爲業垢河之所
漂流我時當乘大乘法船撈接救拔以智慧
火燒其結使以禪定水灑澤令淨以烏和拘
舍羅拂拭搓摩教以六度布以四禪令出三
界若諸行人欲得今身欲得音響忍欲得柔
順忍欲得無生忍當修行此陀羅尼淨持戒
地減省睡眠忍辱柔和少諸緣務心意質直
見修功德者讚歎其德見貧窮者及病疾者
慈心憐愍如已無異如是修行調其心已復
欲增上果所願者當於三七二十一日連中
一食白飯酥酪得食若鮮潔處若在塔中六

時行道於一一時中禮十方佛懺悔宿罪燒
衆名香散華供養梅檀熏陸諸雜華香三稱
我名化樂天王我是五住菩薩爾時於一一
時中誦此陀羅尼二十一徧從初一日乃至
七日極鈍根者三七二十一日我於爾時往

是人所隨根利鈍授與法忍應得音響忍者
授與諸音響忍應得柔順忍者授與柔順忍
應得無生法忍者授與無生法忍悉授與之
真實不虛我兜率陀天王我欲說大陀羅尼
名者蜜屠蘇^{此言救諸病苦}賑給貧窮令諸行人
速得三乘聖果如天降雨令諸農夫多收果
實

支畢度蘇^{民若度蘇}兜 畢梨帝那支
蘇^{阿支都那度蘇}兜 那度蘇^{那度蘇}兜 究
吒呼奴度蘇^{若富那度蘇}兜 烏兜莎

呵兜度蘇兜 蜜若無度蘇兜 莎呵

誦呪六徧縷五色結作三結繫兩手此大神
呪力能令此閻浮提所有地種碎如微塵弗
婆提瞿耶尼悉能為之海水枯涸須彌山崩
令如微塵須能還復如本無異令諸行人諸
結重病塵勞垢習為渴愛河之所漂流沒溺
生死無能覺者我今以此大神呪力撈接救
拔令出三界以大乘河滅結使火禪定膏油
潤漬令濕種植無上菩提根芽令諸衆生收
諸果實此陀羅尼力亦復如是若諸衆生現
身欲修此陀羅尼得宿命智齊四百生未來
世事亦四百生悉能知之現在世事知他人
心智所緣境界天文地理圖書識記知諸衆
生死此生彼至四百生悉能知之應當受持
讀誦此陀羅尼應當精進淨持戒地少欲知

足修質直心晝夜六時省其睡眠精進修定

節食少語乃至六年必得剋果先得宿命智

次得無生智後得他心智來今往古未然之

事靡不通達得此宿命智已陀羅尼力故所

得智慧如五住菩薩等無有異我焰摩天王

今欲說大神呪名求低胡蘇多此言美妙音聲

波置呼盧多 不梨帝那呼盧多 烏吒句

呼盧多 耶無呼盧多 不梨帝那呼盧多

烏奢副呼盧多 莎呵

誦呪三徧縷五色結作五結繫項是名畢法

性海美妙音聲此大神呪乃是過去十恆河

沙等諸佛所說是呪能令小千世界悉皆震

動其中衆生以大神呪威神力故三毒病惱

纏勞垢習自然涌出法音光明從毛孔入鬱

蒸熱惱自然清涼小千世界其中衆生聞此

誦呪三徧縷五色結作五結繫項是名畢法

陀羅尼美妙音聲和雅柔輒有得音響忍著
有得柔順忍者有得大無生法忍者有能堪
任久住度衆生者有得畢法性海四辯無礙
者有得大總持神通自在常遊諸國以美妙
音聲而爲衆生演說法要悉是大神呪威神
力故能辦此事我忉利天王愍念衆生故欲
說大神呪名胡蘇兜那此言去除垢穢慈悲
悲莊濟拔衆生苦
支不帝梨那 阿支不帝梨那 彌耆帝梨
那 烏蘇帝梨那 若副多帝梨那 驅蘇
帝梨那 莎呵
誦呪三徧白色縷結作六結繫項此大神呪
乃是過去十恒河沙諸佛所說我忉利天王
以此大神呪力於四天下中得大神力觸事
無礙盡一日月所照之處悉能爲之衆生壽
命帝王暴虐兵刀寇賊饑饉疫疾大臣宰相

羊二

十七

佞諂不忠國家衰息星宿失度雨澤不時晚
雨早霜比丘懈怠三業不勤故使世界三灾
並起若其國王放逸著樂縱諸群臣貪濁自
恣多取民物枉殺無辜民怨天怒故使國界
兵刀競起有諍奪之心行此惡行欲求長生
終不可得若其國王心生慚愧悔過自責虛
負萬民空頑不及謙下自卑惠下利民退惡
任善尊聖敬德拯濟貧窮如其國王改往修
來遵修此德可得長生延年益壽復能讀誦
此陀羅尼修行信順上來所說諸惡灾怪悉
得消滅無有遺餘

七佛所說神呪經卷第二

